

U skladu sa članom 46. stav (2) i (3), a u vezi sa članom 22. stav (6) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“ broj: 3/23) i Pravilnika o dodjeli sredstava sa tekućih transfera odobrenih Skupštini Zeničko-dobojskog kantona u Budžetu Zeničko-dobojskog kantona, broj: 01-02-4072/23 od 22.03.2023. godine, predsjedavajući Skupštine Zeničko-dobojskog kantona, uz saglasnost oba zamjenika predsjedavajućeg Skupštine, d o n o s i:

PROGRAM

utroška sredstava sa razdjela 10, Skupština Kantona, budžetska organizacija 01, potrošačka jedinica 0001, ekonomski kod 614200, pozicija „Tekući transfer pojedincima“ Budžeta Zeničko-dobojskog kantona za 2023. godinu

SVRHA/CILJEVI PROGRAMA

Ovim programom predsjedavajući Skupštine Zeničko-dobojskog kantona i zamjenici predsjedavajućeg Skupštine, u skladu sa svojim ovlaštenjima utvrđenim u članu 46. stav (2) i (3), a u vezi sa članom 22. stav (6) Zakona o izvršavanju Budžeta Zeničko-dobojskog kantona za 2023. godinu, i u budžetu planiranim sredstvima, žele u svojstvu predstavnika zakonodavnog tijela Kantona, odnosno njegovog užeg rukovodstva, u ime Skupštine Zeničko-dobojskog kantona, pomoći pojedincima odnosno građanima kada se nađu u teškoj socijalno-ekonomskoj situaciji, situacijama izazvanih iznenadnim događajima, (elementarnim nepogodama, zemljotresu, poplavama, i sl.), u slučajevima teških bolesti i nastanka invalidnosti, kada istim odobravaju određena novčana sredstva kao socijalno-intervenirajuću mjeru, odnosno pomoć u slučaju socijalnih potreba pojedinaca uzrokovanih određenim okolnostima i kao pomoć u svrhu liječenja, pomoći u funkciji liječenja, (sufinansiranje plaćanja troškova liječenja, nabavke lijekova, kupovine ortopedskog pomagala, i sl.), te osiguranja pomoći u slučajevima socijalnih potreba pojedinaca uzrokovanih drugim okolnostima, te sufinansiranje raznih projekata, izdavanja knjiga i publikacija od strane pojedinaca na temu značajnih historijskih i državnih tekovina, (značajnih ličnosti iz istorije Bosne i Hercegovine, njene državnosti, kulture i tradicije), te osiguranja pomoći u slučajevima stručnog usavršavanja pojedinaca, odnosno građana, (kao što su nabavka stručne literature i sl., te finansiranje ili sufinansiranje pohađanja određenih stručnih usavršavanja, seminara, edukacija i sl.), učešća na određenim sportskim, muzičkim, kulturnim i drugim vrstama takmičenja i sl., dodjela nagrada istaknutim sportistima, te kulturnim radnicima, najboljim učenicima i studentima ..i sl., te nagrađivanju talentovanih pojedinaca, kao i nabavci određenih sportskih i drugih rekvizita pojedinim sportistima, te drugim sličnim situacijama kada je pojedincima potrebna pomoć i podrška društvene zajednice.

Na ovaj način želi se podići ugled i kredibilitet Skupštine Kantona, kao zakonodavnog tijela, kojeg čine na izborima neposredno izabrani predstavnici građana, koje pored svoje osnovne uloge, (zakonodavne), ovim putem se još više približava građanima, pružajući im neposrednu podršku i pomoć odobravanjem određenog iznosa novčanih sredstava kojim se isti podržavaju i pomažu kada se nađu u određenim situacijama kada im je potrebna pomoć, te sufinansiranjem njihovih raznih potreba, edukacija, određenih aktivnosti i sl., što se može smatrati strateškim ciljem dodjele sredstava sa navedenog transfera.

VISINA SREDSTAVA

U Budžetu Kantona za 2023. godinu u ovu svrhu su planirana sredstva u iznosu od **75.000,00 KM**, u razdjelu 10, budžetska organizacija 01, potrošačka jedinica 001, ekonomski kod 614200, pozicija „Tekući transfer pojedincima“.

KRITERIJI (OPŠTI) ZA DODJELU SREDSTAVA :

Sredstva će se odobriti ako podnosioci zahtjeva za dodjelu istih ispunjavaju slijedeće uslove:

- Da su državljani BiH,
- Da imaju stalno prebivalište na području Zeničko-dobojskog kantona,
- Ako dostave odgovarajuću dokumentaciju i akte kao dokaz propisanih uslova i kriterija, a kao obaveznu dokumentaciju trebaju dostaviti slijedeće:
 1. Kućnu listu za članove porodičnog domaćinstva, (ako se u zahtjevu/molbi poziva na teško socijalno stanje) - **koja nije starija od 3 mjeseca**,
 2. Original ili kopiju CIPS-ove potvrde o adresi prebivališta podnosioca - **koja nije starija od 3 mjeseca**,
 3. Original ili kopiju rodnog lista (izvoda iz matične knjige rođenih),
 4. Original ili kopiju Uvjerenja o državljanstvu, (izvoda iz matične knjige državljana) - **koja nije starija od 3 mjeseca**,

5. Potvrdu/Uvjerenje od banke ili drugi odgovarajući akt o broju računa, na koji bi mogla biti uplaćena odobrena novčana sredstva,
6. Uvjerenje od općinske Službe za zapošljavanje u kojoj će biti navedeno da je podnosilac zahtjeva ili odrasli članovi njegovog domaćinstva na evidenciji nezaposlenih lica,) - **koja nije starija od 3 mjeseca**, (ako se u zahtjevu/molbi poziva na teško socijalno stanje),
7. Rodni list za maloljetnu djecu i uvjerenje od škole da redovno pohađa određenu školu, (**ako se u zahtjevu/molbi poziva na djecu koja idu u školu i teško socijalno stanje u porodici**),
8. Kopiju svojih ljekarskih nalaza odnosno relevantne medicinske dokumentacije - **ne starije od 6 mjeseci**, (ako se u zahtjevu/molbi poziva na bolest odnosno ako se traže novčana sredstva u svrhu liječenja sebe ili članova uže porodice),
9. Kopiju zdravstvene knjižice-ukoliko je osoba ili član porodice osiguran preko podnosioca zahtjeva ili drugog lica, a nije iz određenih razloga na evidenciji nezaposlenih lica nadležne Službe za zapošljavanje,
10. Druge odgovarajuće akte, kao dokaz navoda iznesenih u podnesenom zahtjevu/molbi, (**zavisno od toga radi čega odnosno u koju svrhu se podnosi zahtjev/molba za odobravanje novčanih sredstava**).

Dodjela sredstava sa pomenutog tekućeg transfera će se vršiti bez objavljivanja javnog poziva, zbog objektivne nemogućnosti provođenja istog, te nepostojanja propisanih uslova za objavljivanje i provođenje javnog poziva, imajući u vidu sve specifičnosti dodjele pomenutih sredstava koje odobravaju predsjedavajući Skupštine i svaki od dva zamjenika predsjedavajućeg, odnosno iz razloga što u konkretnom slučaju davalac budžetskih sredstava nije ministarstvo ili druga organizacija javnog sektora shodno odredbi tačke 20. a) Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH", broj 15/18). **Određeni vid transparentnosti dodjele pomenutih sredstava će se obezbijediti dostavljanjem Programa utroška sredstava svim poslanicima Skupštine Zeničko-dobojskog kantona i objavom istog na službenoj stranici Vlade i Skupštine Zeničko-dobojskog kantona, www.zdk.ba, kako bi isti bio dostupan svim zainteresovanim subjektima.**

Predsjedavajući Skupštine i zamjenici predsjedavajućeg Skupštine, u slučajevima navedenim u dijelu „Svrha/ciljevi programa“, u funkciji osiguranja intervencija, (novčanih pomoći), socijalno-zaštitnog karaktera, kao i u slučajevima pomoći u cilju stručnog usavršavanja pojedinaca i određenih kategorija građana, (kao što su nabavka stručne literature i potrebne opreme i finansiranje ili sufinansiranje pohađanja određenih stručnih usavršavanja, seminara i edukacija, učešća na određenim sportskim, muzičkim i drugim vrstama takmičenja i sl.), imaju ovlaštenje, da za istu namjenu, (nakon utvrđivanja ispunjavanja svih propisanih kriterija i uslova), svojim aktom, (zaključkom), odluče o odobravanju pomoći, u svakom konkretnom slučaju, u iznosima koji pojedinačno ne mogu biti veći od **1.000,00 KM**.

Ukoliko podnosilac zahtjeva nije uz svoj zahtjev/molbu dostavio svu potrebnu dokumentaciju i akte kao dokaz ispunjavanja propisanih kriterija, istom će se dostaviti pismena obavijest o potrebi dopune iste kako bi se njegov zahtjev/molba mogao uzeti u razmatranje, a ako istu ne dopuni dostavom relevantne dokumentacije i akata, njegov zahtjev/molba se neće uzeti u razmatranje.

U okviru odobrenih sredstava predsjedavajući i zamjenici predsjedavajućeg Skupštine, pomoć kao socijalno intervenirajuću i zaštitnu mjeru, (rukovodeći se principima humanizma i solidarnosti), odobravaju u slučajevima kada je ista u funkciji pomoći u situacijama iznenadnih događaja i pratećih situacija, odziva humanitarnim akcijama, inicijativama i pozivima, pomoć zbrinjavanju socijalnih slučajeva, pomoći u funkciji liječenja, te osiguranja pomoći u slučajevima socijalnih potreba pojedinaca uzrokovanih drugim okolnostima, kao i pomaganje u cilju stručne edukacije i usavršavanja, učešća na određenim sportskim, muzičkim i drugim vrstama takmičenja i sl., te nagrađivanje talentovanih pojedinaca, (najboljih učenika, najboljih studenata..., te drugih talentovanih pojedinaca). **Ne mogu se odobriti sredstva po zahtjevima/molbama koji se odnose na kapitalna ulaganja**, (u koje spadaju kupovina osnovnih sredstava kao što su; zemljište, mašine ili zgrade, oprema, te izgradnja objekata ili njihovo renoviranje, adaptacija, dogradnja i sl.).

Lice koje je autor knjige ili publikacije, pored ličnih podataka o sebi, svom prebivalištu i boravištu na području Kantona, treba da navede i podatke o: - nazivu izdavača knjige ili publikacije,

- obrazloženje značaja knjige, publikacije i sl. za Zeničko-dobojski kanton,
- potrebna sredstva i način finansiranja,
- obrazloženje utroška sredstava,
- značaj izdavanja knjige, publikacije i sl. za očuvanje kulturnog identiteta i historijskog naslijeđa Bosne i Hercegovine, njene državnosti, kulture i tradicije,
- da projekat ima osiguranu finansijsku podršku iz više izvora finansiranja.

Ne mogu se u toku iste kalendarske godine, jednom istom licu/osobi, za istu svrhu, dva ili više puta odobriti novčana sredstva, bilo da je ta sredstva već jednom odobrio predsjedavajući Skupštine ili jedan od zamjenika predsjedavajućeg Skupštine.

RASPODJELA SREDSTAVA PO PROGRAMIMA

Ukupno planirana budžetska sredstva na budžetskoj poziciji Skupštine Kantona „Tekući transfer pojedincima“ koje će pojedincima odnosno građanima, odobravati predsjedavajući Skupštine i zamjenici predsjedavajućeg Skupštine, će se rasporediti između njih, **prema kriteriju značaja pozicije koju isti obnašaju**, i to tako da će predsjedavajući, (koji obnaša najvišu i naznačajniju poziciju u Skupštini Kantona), raspolagati sa **40%** planiranih sredstava, a svaki od zamjenika predsjedavajućeg Skupštine će raspolagati sa po **30%** planiranih sredstava.

Broj	Naziv programa	Svrha programa	Primalac	Iznos	Izvori finansiranja
1	2	3	4	5	6
	-Socijalno intervenirajuće i zaštitne mjere, te pomoć u liječenju, u stručnom usavršavanju pojedinaca finansiranjem ili sufinansiranjem određenih stručnih usavršavanja, seminara i edukacija i nabavke stručne literature i opreme, učešće u određenim humanitarnim akcijama inicijativama i pozivima zbrinjavanja socijalnih slučajeva, učešće na određenim sportskim, muzičkim, kulturnim i drugim vrstama takmičenja i sl.	Pomoći u situacijama iznenadnih događaja i pratećih situacija, odziva humanitarnim akcijama, inicijativama i pozivima zbrinjavanja socijalnih slučajeva, pomoći u funkciji liječenja, osiguranja pomoći u slučajevima socijalnih potreba pojedinaca uzrokovanih drugim okolnostima, te pomoći u cilju stručnih usavršavanja i edukacija, pomoć i podrška razvoju sporta, kulture, podrška talentovanim licima	Pojedinci koji imaju prebivalište na području ZE-DO kantona		Predviđena su u Budžetu Zeničko-dobojskog kantona
	-Sufinansiranje projekata izdavanja knjiga i publikacija, dodjela nagrada istaknutim sportistima i sportskim, te kulturnim radnicima, najboljim učenicima i studentima...i sl. aktivnostima	Promovisanje značajnih historijskih i državnih tekovina, te značajnih ličnosti iz istorije BiH, njene državnosti, kulture i tradicije, nagrađivanje i davanje podsticaja i priznanja kulturnim radnicima, najboljim učenicima i studentima...	Pojedinci koji imaju prebivalište na području ZE-DO kantona		Predviđena su u Budžetu Zeničko-dobojskog kantona
UKUPNO PLANIRANA BUDŽETSKA SREDSTVA:				75.000,00 KM	
SREDSTVA KOJA ODOBRAVA PREDSJEDAVAJUĆI:				30.000,00 KM	
SREDSTVA KOJA ODOBRAVAJU ZAMJENICI:				22.500,00 KM	
Behija Kulović:				22.500,00 KM	
Goran Bulajić:				22.500,00 KM	

IZVJEŠTAVANJE

O utrošenim sredstvima po navedenim programima predsjedavajući Skupštine uz saglasnost zamjenika predsjedavajućeg Skupštine, polugodišnje izvještavaju Kolegij Skupštine.

ZAKLJUČAK

Predsjedavajući Skupštine i zamjenici predsjedavajućeg Skupštine će povodom svakog pojedinačnog zahtjeva za ostvarivanje prava na dodjelu određenog iznosa sredstava u gore navedene svrhe, donijeti zaključak o odobravanju određenog iznosa sredstava, (u okviru utvrđenog iznosa sredstava navedenih u ovom Programu, posebno za svakog od njih), a nakon prethodnog utvrđivanja ispunjavanja svih navedenih kriterija od strane

podnosioca zahtjeva/molbe, u kome će se utvrditi obaveza korisnika sredstava, da na dostavljenom posebnom obrascu pomenutog izvještaja, (koji se korisniku sredstava dostavlja u prilogu Zaključka o odobravanju sredstava), dostavi predsjedavajućem odnosno zamjenicima predsjedavajućeg Skupštine, izvještaj o namjenskoj upotrebi, odnosno utrošku odobrenih sredstava, u roku od **60 dana** od dana uplate istih na račun korisnika, uz napomenu sadržanu u Zaključku o odobravanju sredstava da u slučaju da ne dostavi izvještaj o namjenskom utrošku odobrenih sredstava neće imati pravo aplicirati za dodjelu sredstava u narednoj fiskalnoj godini.

Broj: 01-11-4074/23

Datum, 22.03.2023. godine

Z e n i c a

SAGLASNI:

**ZAMJENIK
PREDSJEDAVAJUĆEG**

Kulović Behija

**ZAMJENIK
PREDSJEDAVAJUĆEG**

Bulajić Goran

PREDSJEDAVAJUĆI

Kovačević Dejan